

*Zakonodavno-pravna komisija/  
Zakonodavno-pravno povjerenstvo*

*Законодавно-правна комисија*

Broj: 0-1/2-02-2583/23-2  
Sarajevo, 25.10.2023.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 25-10-2023			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BiH**

Zakonodavno-pravna komisija Predstavničkog doma Parlamenta Federacije Bosne i Hercegovine (u daljem tekstu: Komisija) održala je 3. vanrednu sjednicu 25.10.2023. godine kojoj je prisustvovalo šest članova Komisije. Prema jednoglasno utvrđenom dnevnom redu Komisija je razmatrala:

1. Zahtjev za razmatranje statusa predsjedavajuće Predstavničkog doma Parlamenta Federacije BiH Mirjane Marinković – Lepić (u daljem tekstu: Predsjedavajuća).

Na osnovu člana 44., 53. i člana 120. stav 3. Poslovnika Predstavničkog doma Parlamenta Federacije BiH (u daljem tekstu: Poslovnik), Komisija Predstavničkom domu Parlamenta Federacije BiH podnosi sljedeći

## IZVJEŠTAJ

*Ad-1*

***Zahtjev za razmatranje statusa predsjedavajuće Predstavničkog doma Parlamenta Federacije BiH Mirjane Marinković – Lepić***

Komisija je razmatrala i vodila preteres o Zahtjevu za razmatranje statusa Predsjedavajuće nakon čega je predsjednik Komisije Belmin Zukan predložio sljedeće

## ZAKLJUČKE

1. Komisija konstatuje da je dana 25.09.2023. godine Predsjedavajuća podnijela ostavku na dužnost predsjedavajuće članovima Kolegija Predstavničkog doma Parlamenta FBiH, te je u istoj tražila da se ostavka uvrsti na dnevni red sjednice Predstavničkog doma Parlamenta FBiH dana 27.09.2023. godine kao jedna od tačaka, a da ostavka nije uvrštena na dnevni red sjednice održane 27.09.2023. godine, te da Predstavnički dom Parlamenta FBiH nije razmotrio ostavku;
2. Komisija konstatuje da je članom 131. Poslovnika propisano da se odredbe Poslovnika koje se odnose na postupak za izbor, imenovanje odnosno potvrđivanje imenovanja

shodno primjenjuju i na postupak razješenja, te Komisija smatra da je potrebno provesti postupak pred Komisijom za izbor i imenovanja i Predstavničkim domom kako bi Predsjedavajuća bila razješena dužnosti budući da Poslovnik ne predviđa ostavku članova rukovodstva doma;

3. Komisija konstatuje da je članom 6. Mišljenja Ustavnog suda Federacije BiH objavljenog u ("Službenim novinama Federacije BiH", broj 15/20). utvrđeno da postoji izraziti javni interes za davanje Mišljenja, koje je samo po sebi specifičan postupak u okviru propisanih nadležnosti Ustavnog suda Federacije, radi razjašnjavanja, za ubuduće, pitanja ustavnog postupanja prilikom formiranja rukovodstva kako Skupštine Kantona Sarajevo, tako i zakonodavnih tijela drugih kantona u Federaciji Bosne i Hercegovine, u situacijama kada iz bilo kojeg razloga (podnošenjem ostavke ili pak, zbog "više sile"), određeno lice više ne može obavljati funkciju predsjedavajućeg ili zamjenika predsjedavajućeg, odnosno člana rukovodstva Skupštine;
4. Komisija smatra da u slučaju da se uvaži mišljenje Ustavnog suda Federacije BiH koje se odnosi na skupštine kantona, važno je naglasiti da poslovnik Skupštine Kantona Sarajevo poznaje ostavku člana rukovodstva kao institut, dok Poslovnik Predstavničkog doma ne poznaje ostavku članova rukovodstva kao institut;
5. Shodno svemu navedenom Komisija smatra da je ostavka lični čin, te da do razrešenja u Predstavničkom domu Predsjedavajuća ima pravo i obavezu izvršavati Poslovnikom propisane nadležnosti kao i konzimirati prava propisana Poslovnikom i drugim općim pravnim aktima.

Komisija se izjasnila o navedenim zaključcima, 4 glasa ZA i 2 glasa protiv, koji nisu dobili potrebnu većinu.

Dalje u toku rasprave zastupnik Nezir Pivić je predložio sljedeći

### **ZAKLJUČAK**

Momentom podnošenja ostavke Predsjedavajuće, obzirom da je to lični zahtjev i lični čin, prestaju sva prava i obaveze Predsjedavajuće što je u skladu sa Mišljenjem Ustavnog suda Federacije BiH koje je objavljeno u Službenim novinama Federacije BiH broj 15/20.

Nakon izjašnjenja Komisije, 1 glas ZA, 2 glasa SUZDRŽAN i 3 glasa PROTIV, predsjednik Komisije je konstatovao da predloženi zaključak zastupnika Nezira Pivića nije dobio potrebnu većinu.

Za izvjestioca u Predstavničkom domu određen je gospodin Belmin Zukan, predsjednik Komisije.

**PREDSJEDNIK KOMISIJE**

**Belmin Zukan**  
